

涿州風土記

歙朱穎著



大澳
州
記
風

光緒廿有六
年冬十一月
文瑞書院
琴

歷代疆域

涿州風土記第一

涿州在禹貢爲冀州大陸之域故唐置陸澤縣于此杜佑李吉甫并謂大陸爲邢趙涿三州地是也春秋之初不見于傳記魯昭公十二年晉荀吳伐鮮于圍鼓鼓今晉州而涿之三屬縣元明故皆屬晉循是言之涿在春秋鮮于地也史記趙武靈王二十年畧中山地至寧葭顧祖禹謂寧葭故城在今涿州東南戰國中山卽春秋鮮于地如顧斯言戰國之初涿屬中山矣呼沱在涿州界中涿屬中山呼沱亦在中山故戰國策云趙攻中山以擅呼沱也而武靈王亦稱我先王阻漳滏之險立長城然則漳滏以北趙不能

記一

疆域

能有中山已滅燕趙以呼沱爲界是後涿始屬趙悼襄王六年封長安君以饒張守節謂卽饒陽是也通典謂涿在戰國屬趙不能詳考鮮于中山之分域後世方志因之是其疏也秦以前州境之見于傳記者如此至武彊古曰武隧而史記秦破扈輒于武隧司馬貞謂在趙西李牧攻燕拔武隧方城括地志謂在易州皆非今武彊地故弗論

右春秋戰國

自漢以來史家詳紀地里沿革併省可得而言史記樂毅傳高帝過趙封樂叔于樂鄉爲漢代州地分封之始一統志謂樂叔封邑在今清苑東南今考清苑樂鄉後魏始置

論其疆域乃是燕境涿之樂鄉漢已著目樂毅降趙封于觀津子孫所居與涿爲近過趙封國不容在燕統志之言似是誤也饒陽在前漢故止名饒後漢郡國志云饒陽故名饒凡續志所稱故名竝是西京舊號然則今漢書地理志有饒陽縣蓋陽爲衍字也舊唐書地理志謂唐卽古鄆縣置陸澤而明嘉靖時康縉撰廟碑謂磨頭爲古桃城駟蓋隋割桃縣置衡水而桃故城仍在州境衡水志稱桃縣故城在今縣西四十里磨頭距衡水道里適符是磨頭本漢桃縣故後人于此置駟也水經注衡水逕桃縣故城北合斯洙水又北逕鄆縣東下博縣西據此則鄆在下博西

記一

疆域

二

桃縣北桃在州境卽鄆之在州境決矣漢志州凡八縣一侯國曰穀邱曰安平曰饒陽隸涿郡曰下博曰桃曰樂鄉侯國隸信都國曰武隧隸河間國曰鄆隸鉅鹿郡王莽之世所在郡縣數易名稱于是安平曰廣望亭下博曰閏博樂鄉曰樂邱武隧曰桓隧光武旣立始復舊名而武隧改曰武遂又省穀邱樂鄉二邑續志州凡五縣劉昭云前志有今不載者世祖所併省也五縣者曰下博曰武遂曰饒陽曰安平竝隸安平國曰鄆隸鉅鹿郡鄆卽前漢之鄆蓋漢世州域擴矣水經注引地理風俗記曰蠡吾故饒陽之下鄉也據此則蠡吾未置縣時饒陽北境奄有今博野地

矣其河水篇云大河右瀆逕長樂郡武彊縣故城東又東北逕廣川縣武彊漢武隧地據此則武隧故境乃斜截廣川西南矣其濁漳水篇云水逕下博縣故城西又東北歷下博城西樂鄉縣故城南又東北逕武邑郡南又東逕武彊縣北又東北逕武隧縣故城南據此則下博樂鄉並在武邑郡西南其下博故城卽漢縣也又在魏下博西南矣范書光武至饒陽無萁亭馮異進豆粥及至呼沱異復進麥飯菟肩然則由無萁至呼沱須再食乃達及至下博城西老父謂去信都八十里信都今冀州治漢里視今差小攷其地望則下博在今衡水縣境蓋饒陽在呼沱北樂鄉在漳北下博在漳東南而武隧乃跨漳南北而爲縣此漢代州域之大凡也及晉割漳南置武彊而武遂乃南以漳爲界矣武邑郡介在樂鄉武彊兩城之間其所治武遂非漢故城仍漢武遂故地

右漢

三國史無地志 國朝洪編脩亮吉采漢晉二史輯補之大抵與晉志無異晉志凡五縣隸安平國者曰下博曰武遂隸博陵郡者曰安平曰饒陽隸趙國者曰鄆自東漢以後有安平國或稱安平郡皆治信都非安平縣也水經注太康五年改安平國爲長樂郡自是迄於北魏信都無復

安平之目漢晉之際郡國與縣皆有安平地異名同方志
往往淆誤也博陵郡漢桓帝置以奉孝崇皇后園陵司馬
彪續志郡縣增損在安順以後者不錄故無此郡郡初治
今博野後徙治安平縣北齊以前所謂博陵郡皆安平也
及隋世以定州爲博陵郡而後安平無博陵之目矣安平
定州皆稱博陵異代同名方志又往往淆誤也晉志地理
殊疏元和郡縣志晉置武彊縣屬武邑郡而志不載郡國
縣道記武彊漢爲侯國西晉卽其城置縣酈元謂卽光武
拜王梁爲大司空以爲侯國者也余意王梁所封當卽前
漢莊不識故邑漢志不言其地史記曹相國世家還攻武

記一

疆域

四

疆薛瓚云在陽武水經渠水謂卽不識封邑二漢封國應
是一地酈氏兩存恐非其實蓋陽武武彊漢時已有武邑
武彊晉代始置此又方志之以同名而淆誤者也又如徐
廣稱安平縣西有薄洛津津爲漳水支流顧祖禹疑漳水
舊瀆嘗經安平不知徐廣所稱非涿郡之安平乃清河之
信鄉應劭孟康皆言漢順帝改信鄉爲安平縣信鄉與經
縣相接續郡國志經西有薄洛津是也若涿郡安平去漳
絕遠顧氏精于考索猶有此失此又同名淆誤之甚者矣

右魏晉

晉惠以後冀部淪陷石趙慕容燕苻秦大氏因太康之舊

而小有增改其見于晉書載記者石勒將王午鄧恆冉閔
閔子操呂護慕容垂將平規申永丁零段遼先後據魯口
而慕容評恪垂垂子農寶寶將慕容與騰皆嘗攻魯口魯口
者司馬懿征公孫淵時所築城也在今饒陽魏武鑿虜它
入泝水以運糧名曰平虜渠懿築城其口故曰虜口也寰
宇記自石趙苻秦以及後魏博陵郡并治魯口當時史文
多見魯口少見饒陽則魯口當已置縣矣是時又有博陵
縣亦在饒陽載記後燕博陵令屈遵降魏洪穉存疑博陵
當爲博陸非也魏收地形志饒陽有博陵城魯口城足驗
秦燕饒陽嘗析置博陵魯口二縣逮于元魏仍省入饒陽

記一

置域

五

耳洪氏又疑饒陽之博陵城爲晉博陵國博稽往牒北魏
以前博陵立國并未移治饒陽洪之斯言殊非翔塙又自
太康以來有武邑郡洪輯前燕疆域獨無武邑按平規謀
反實據博陵武邑長樂三郡是後燕尙有武邑不應前燕
獨無凡此皆洪氏之疏不可不正今以意定十六國時郡
邑蓋隸長樂郡者一縣曰下博隸武邑郡者二縣曰武遂
曰武彊隸博陵郡者四縣曰安平曰博陵曰饒陽曰魯口
隸鉅鹿者一縣曰鄒

右十六國

魏書地形志州爲六縣分隸四郡饒陽安平隸博陵郡下

博隸長樂郡武遂武彊隸武邑郡鄒隸鉅鹿郡鄒卽鄒也而饒陽有博陵魯口二城則二縣已併省也是後諸縣屢有遷省據水經注下博魏城在漢縣東北郡國地道記稱下博治祭遵壘北枕衡漳水者又周建德六年所移顧祖禹謂移而益北是也北周下博尙在漳南則寰宇記言魏移衡水北者誤矣晉時武遂在漳北爲武邑郡治而武彊則在漳南及魏皇始三年徙郡來治武彊神光太和旋省旋復逮齊文宣天保七年郡廢縣移又省武遂以入武彊于是武彊亦移而益北矣地形志饒陽縣下云有饒陽城是魏時饒陽已非漢舊及齊天保五年移治魯口又非魏治一統志但言故城有二爲失考也唐因北齊仍治魯口而括地志饒陽故城在東北二十里大氏謂魏故城若漢之故城蓋唐代已難確指矣鄒北齊省

右後魏北齊

隋之郡邑變易古制多爲後代所因隋書地理志武彊下博隸信都郡安平隸博陵郡饒陽隸河間郡先是博陵舊郡或治安平或治饒陽自大業初徙治鮮于以定州爲博陵是後安平無博陵之目其變一也先是未嘗置州自開皇十六年于饒陽置涿州以州西故涿池爲名是後乃有涿州之號其變二也先是下博武彊南境遠包廣川武邑

之地自隋割下博置衡水分武彊置昌亭是後南邊盡削
 衡漳以南無復故地其變三也先是安平置域甚廣自開
 皇六年割安平重置深澤而西境感矣其變四也

右隋

唐置深州本隋舊制其後割隸不常史文頗復遺脫自河
 朔擅于方鎮置帥不由朝命州郡遷革滋難備紀唐史謂
 武彊唐末屬冀州而不能考知其年文獻通考五代周始
 以冀州武彊隸深州則唐史之說信矣歐公五代職方考
 凡州縣之割隸為宋時所因者皆書之而武彊自冀隸深
 乃不著是其疏也今列唐一代為年表

記一

置域

七

唐州域沿革表

高祖武	置治安平	自瀛來屬	深州	武彊	深三縣
德四年	尋徙饒陽	析置蕪蕪 縣州治自 安平來徙	饒陽	屬冀	冀二縣
武德	六年	析饒陽置	蕪蕪	屬冀	深三縣
太宗貞	觀元年	省	安平	屬冀	冀二縣
貞觀十	七年	廢	下博	來屬	深四縣
		還屬瀛	武彊	來屬府罷 冀還故治	無州瀛一 縣定一縣 冀二縣
		還屬瀛	安平	還屬定	
		還屬瀛	下博	還屬冀	
		還屬瀛	武彊	還屬冀	

	睿宗先天二年	復置治陸澤	析鹿城饒陽置州治	來屬折	安平	來屬	還屬冀	還屬冀	深五縣
	天寶元年	改饒陽郡			下博	來屬	還屬冀	還屬冀	深三縣冀二縣
	肅宗乾元元年	復為州			武彊	來屬			州改為郡
	代宗永泰元年								郡廢州復
	德宗貞元十年					來屬	置永寧軍		深五縣一軍
	關年					來屬	還屬冀	還屬冀	深四縣一軍冀一縣

唐史貞元十年下博置永寧軍其後方志不詳此軍廢置

惟王存九域志有永寧軍謂雍熙四年定州博野縣置寧

記一

置城

邊軍天聖七年改永寧軍治博野然則唐永寧軍在下博
及宋天聖時廢博野之寧邊軍乃以下博之永寧軍移治
博野也

右唐

五代周既以武彊來隸又割深之博野隸定其增置者則
顯德二年以李晏口為靜安軍見于舊五代史史云其軍
南距冀州百里北距深州三十里夾胡盧河為壘而胡三
省通鑑注謂在菑縣東北不知菑縣別有李晏口非靜安
軍城之李晏口也胡盧河在深冀間宋史韓通傳周世宗
以深冀之間有胡盧河東西橫亘數百里乃築此城城之

不在舊縣明矣周既置靜安軍因移下博縣治此以軍領縣于是境內為州一即潞州為軍二曰靜安曰永甯為縣五曰陸澤曰饒陽曰安平曰武彊曰下博

右五代

宋時諸縣無甚改易而太宗之世州地屢有併省仁宗時永甯軍徙此其變也金因宋制而金史地理志下博為一鎮領于州元世遷改皆在宋混一以前及明而地制大定國朝多因之今具列四代沿革為年表唯元憲宗在潛安平武彊皆隸鼓城等處軍民萬戶府史無年月不表

宋金當州沿革表

三縣均無改置

記一

置域

九

宋	<small>太平興國八年</small>	雍熙二年三年	四年	淳化元年	至道三年	<small>仁宗天聖七年</small>	金
以下博隸	軍廢縣	省下博縣	置靜安縣	以東鹿來	以樂壽隸	永甯軍移	下博為一
靜安軍	還隸州		省陸澤	屬	瀛州	治博野	鎮領于州

元明州域沿革表

元太祖十九年	州廢靜安縣隸東武州	改東武州領武邑靜安	隸南平州	改南平州領饒陽
太宗六年	復置州治靜安隸河	復為縣來屬		
七年	間置帥府			
十年	領五縣饒陽安平武強東鹿靜安	來屬		
十年	隸真定路			
十年				
世祖中統二年	領靜安衡水二縣	割隸祁州		
明太祖洪武二年	省靜安縣入之領衡水	割隸晉州		
成祖永樂十年	徙吳莊即今治			

右宋金元明

大氏州地由隋以前分隸郡國每代不同唐以來始置州而所領之縣或多或寡時出時入又州所隸諸道軍府亦變革不常今通列之為表

隋以前州地所隸郡國表

唐書	陸澤	饒陽	東鹿	安平	博野	樂壽	下博
通典	饒陽	安平	鹿城	陸澤			
唐以後州所領縣表	信都郡	河間郡	博陵郡	博陵郡	博陵郡	博陵郡	博陵郡
隋	信都郡	信都郡	河間郡	河間郡	河間郡	河間郡	河間郡
北魏	長樂郡	武邑郡	博陵郡	博陵郡	博陵郡	博陵郡	博陵郡
前後二燕	鉅鹿郡						
石趙苻秦	長樂郡	武邑郡	博陵郡	博陵郡	博陵郡	博陵郡	博陵郡
魏晉	安平國	安平國	博陵郡	博陵郡	博陵郡	博陵郡	博陵郡
後漢	鉅鹿郡	安平國	安平國	安平國	安平國	安平國	安平國
漢	鉅鹿郡	河間國	涿郡	涿郡	涿郡	涿郡	涿郡
戰國	中山趙	武彊	趙	趙	趙	趙	趙

記一

置城

十

五代周	陸澤	饒陽	東鹿	安平	樂壽	下博	武彊
寰宇記	陸澤	饒陽	安平	下博	武彊	樂壽	
九域志 <small>同史</small>	靜安	東鹿	饒陽	安平	武彊		
金史	靜安	東鹿	饒陽	安平	武彊	下博鎮	
元史	靜安	衡水					
明史	衡水						

唐以後諸縣別隸他州表

瀛	定	冀	冀	靜安	東武	南平	祁	晉	晉	晉
饒陽	安平	下博	武彊	下博	武彊	安平	武彊	安平	饒陽	武彊
<small>隋屬唐</small>	<small>隋屬唐</small>	<small>唐武德</small>	<small>武德貞</small>	<small>五代周</small>	<small>元太祖</small>	<small>元太祖</small>	<small>元太祖</small>	<small>元太宗</small>	<small>元屬明</small>	<small>元屬明</small>
<small>貞觀屬</small>	<small>貞觀屬</small>	<small>貞觀天</small>	<small>觀天寶</small>	<small>屬宋太</small>	<small>屬</small>	<small>屬</small>	<small>屬</small>	<small>屬</small>	<small>屬</small>	<small>屬</small>

記一 畱域 十二

寶并屬唐末并平興國屬	靜安	饒陽	安平
<small>元太祖</small>	<small>元太祖</small>	<small>見元史</small>	<small>職官志</small>

元太宗之世武彊嘗屬祁州祁去武彊絕遠不能越安平饒陽而有武彊也元史職官志有祁州安平縣甲局院長一員是安平屬祁之證二縣屬祁饒陽亦必隨屬但史文缺略不詳耳

唐以後州所隸軍府表

朝代	唐	梁	後唐	晉	漢	周	宋	金	元	元	明
諸路	河北道	成德軍	武順軍	成德軍	順德軍	成德軍	<small>定州大總管</small>	<small>河北東路</small>	<small>河間帥府</small>	真定路	真定府

其郡國軍州治所寰宇記謂晉與高齊博陵郡并理安平

石趙苻秦後魏博陵郡并理魯口今考魏收地形志博陵所領縣首饒陽然則後魏之博陵郡治饒陽不治魯口魯口城在饒陽縣界耳樂史謂後魏治魯口與魏書不合蓋是誤也今由漢迄明具列之爲表

軍州治所表

漢	安平	<small>郡尉</small>
晉	安平	<small>博陵國治</small>
<small>石趙苻秦二燕</small>	魯口	<small>博陵郡治</small>
後魏	饒陽	<small>博陵郡治</small>
北齊	安平	<small>博陵郡治</small>
隋	安平	<small>州治</small>
唐	饒陽	<small>州治</small>
後周	李曇	<small>靜安軍治</small>
宋	靜安	<small>州治</small>
金	靜安	<small>州治</small>
元	武彊	<small>東武州治</small>
明	吳莊	<small>州治</small>

記一

舊域

十二

侯國	武邑	郡治
樂鄉	武遂	
武彊		
陸澤		
下博		
冀州	治總	管府
治永	管府	治永
治	管府	治永
千戶	總管	府治

大凡溪州在前古疆域沿革略可考見者如此 國朝之初因明舊制州領衡水一縣武彊饒陽安平別屬晉州而皆統于正定府 大清會典雍正二年議臣以正定府轄州縣三十有二知府鞭長莫及請分十有四縣隸冀趙晉定四州以武彊饒陽安平來隸溪州其後晉定旋有改割他如故自是溪州始陞爲直隸州云

自通典以後方志家并有幅員袤廣及四至八到之道里屬邑有多寡則地域廣狹異焉置界割併治所遷改即計里亦殊今差其異同為譜

東西相距		南北相距	
元和志	九十里	元和志	一百一十里
寰宇記	一百九十里	寰宇記	二百六十里
一統志	二百二十三里	一統志	一百十五里

右東西南北相距道里表

至東	
通典 <small>寰宇記同</small>	景城郡 <small>寰宇記滄州</small>
九域志	本州界六十五里自界首至冀州一百里
一統志	交河縣界六十八里

記一 置城 三

至西	
通典	常山郡 <small>寰宇記鎮州</small>
九域志	本州界七十三里自界首至祁州九十里
一統志	東鹿縣界五十五里

至南	
通典	魏郡 <small>寰宇記魏州</small>
九域志	本州界十五里自界首至冀州七十五里
一統志	衡水縣界五十里

至北	
通典	上谷郡 <small>寰宇記易州</small>
九域志	本州界一百二十五里自界首至瀛州五十五里
一統志	蠡縣界六十五里

右四至道里表

東南到

通典

信都郡

寰宇記 冀州

一百三十里

元和志同

九域志

本州界三十五里自界首至冀州六十五里

通典

趙郡

寰宇記 趙州

一百九十里

元和志作 二百里

西南到

九域志

本州界一十五里自界首至冀州七十五里

一統志

東鹿縣治六十五里

通典

河間郡

寰宇記 瀛州

一百五十里

元和志作一 百四十五里

東北到

九域志

本州界一百十五里自界首至河間府六十里

一統志

河間縣治一百六十里

通典

博陵郡

寰宇記 定州

一百七十里

記

置城

西

北到

九域志

本州界二百五里自界首至祁州六十五里

一統志

深澤縣治七十里

右八到道里表

蓋唐治陸澤宋治靜安 國朝因明治吳莊此其所以異也屬縣多少不同故九域志之界首亦與今別然皆一州之全境若本州及三縣又各有相距之道里則歷代方志所未詳載而一統志與乾隆時舊志言之詳畧既殊頗難強合今并考之

一統志

東西九十三里 南北九十里

武彊

東西四十二里 南北四十八里

饒陽

東西五十里 南北五十里

安平

東西五十里 南北三十五里

舊志

深州 廣六十三里 表一百四十里

武彊

東西五十六里 南北五十五里

饒陽

東西四十五里 南北五十二里

安平

東西四十五里 南北四十里

涿州 元和志冀州西北至涿州一百三十里下博南至冀州一百里

一統志 東至 武強界三十八里 西至 東鹿界五十里 南至 衡水界五十里 北至 安平界四里

舊志 東南到 武邑治六里 西南到 東鹿治五里 東北到 饒陽治七十里 西北到 安平治五十二里

武彊 元和志西南至冀州一百二十里

一統志 東至 交河界三里 西至 州界三里 南至 武邑界八里 北至 饒陽界四十里

舊志 東南到 武邑界三里 西南到 衡水界八里 東北到 獻縣界三五里 西北到 州界十五里

饒陽 元和志西南至州三十里

一統志 東至 獻縣界三十里 西至 安平界二十里 南至 州界三十里 北至 肅寧界二十里

舊志 東南到 武強治六十里 西南到 州界二十五里 東北到 河間治九十里 西北到 蠡縣治七十里

安平 元和志東南至州五十三里

記一 邑域 十五

一統志 東至 饒陽界七十里 西至 涿澤界三十三里 南至 州界十里 北至 蠡縣界二十五里

舊志 東南到 武強治九十里 西南到 東鹿治九十里 東北到 肅寧治八十里 西北到 博野界六十里

右州及三縣四至八到表

通典 去西京二百五十里 案此文有誤據寰宇記 當作二千一百五十里 去東京二千二百五十里

元和志 西南取趙州路至上都一千五十里西南至東都二千三百二十里

寰宇記 去東京九百里 九域志作九百五十里 去西京一千三百三十里

一統志 在京師西南六百十二里

舊志 州距京師五百五十里武彊五百二十里饒陽五百里安平五百里

右距京里數表

大凡州境古今道里畧可考見者如此

疆域既明斯邑廬社鄉之息耗可得而言已 國朝里社

之制大氏沿襲明故深州廿七社 日開府日大張日新張日新興日官

留為上九社日北大留日西安南日西安北日東科日在城日孤城日陽臺日西北留

日禪院為中九社日東興日新增日新安日新置日兵曹日馬莊日八公日新留日歸

化為下 九社 集市十有五興廢不常 今依道光志所載州城三八日小集五十日

家池四九日陳二莊一六日磨頭二八日王家井二七日魏家橋四九日陽臺一六日

少府村一六日唐鳳二七日穆村二八日辰時村二八日北劇村二七日穆家左五十

日南辛 舖舍七咸豐後減削舖司兵工食寢以廢失 總舖在州治

莊三日 舖舍七咸豐後減削舖司兵工食寢以廢失 前西午村舖

距州廿里丁營屯舖距西午村廿里劉光營舖距丁營屯廿里安平縣前

舖距劉光營卅里大陸市舖距安平縣前卅里楊村舖距大陸市十五里 街衢今雖

鞠為荒墟記其遺蹟足見昔時之盛武彊饒陽縣志不載

安平則頗得涯畧 州城東大街四巷日龍王廟日三義廟日城隍廟日柳

三巷日馬廠日油房日寺道北大街二巷 武彊十六社 日坊市日武西日河北日河

日察院日蠶姑庵日五道廟即魯家街

臺南日崇仁日武北日陽武日東 集市七 南關二五八日小范二六九日皇甫四九

社日韓王日北里日大有日樂民 日隄南三八日孫莊一六日沙窪二八日

張法亭 舖舍三 總舖在縣治前孫莊舖 饒陽十九社 在城日坊市東北日燕

五十日 舖舍三 南石實舖均在縣北 饒陽十九社 龔日龍門日故城日雍

熙東南日丹桂日正節日孝行日崇教日崔村西南日善保日楊 集市廿有二

莊日韓村日饒城日新莊西北日張平日西城日清流日隆平 在城三關一六三八日東路日留楚二七日日劉滿五十日南路日小隄四九日日鄒

記一

置城

十六

村一六日日曹莊二七日日許張保五十日日韓合三八日西路日支窩五十日日京

堂五十日日里滿三八日日大宋莊一六日日韓村二七日日張平舖四九日日路子

口七日日勝水二日北路日尹村四九日日張莊五十日日曲呂一六日日蔡劉集二

七日日岐河二八 舖舍五 總舖在縣治前張平舖在縣西十五里楊莊舖在縣西

日日寺莊三八日 舖舍五 南十八里小隄舖在縣西南卅里孔店舖在縣北廿里 安

平十五社 日坊市日廟頭日牛具日會溝日崔令日羽林日長汶日唐 集市十

貝日子文日角邱日黃城日辛莊日侯疇日義門日臺城 有二 故時四城有集明末兵亂移集四關至今仍之四鄉日子文四九日日馬店二

三八日日會溝五十日日宗左一六 舖舍 縣志所列新舊七舖皆在未隸州以前舊

日日黃城二七日日傅家莊一七日 舖舍 舖五總舖在縣治前韓村舖在縣東十五

里黃城舖在縣西十里崔安舖在縣西卅里武陽舖在縣西南 街衢 前街在縣治前

卅五里新舖二城于舖在縣東廿里實口舖在縣東北卅里 街衢 後街在縣治後

南街北通縣治前街北街南通縣治前街
街炭市在縣治前街柴市在縣治西北街
饒陽志云社所領村元有定界

歲久遷變不可詳稽故別錄之今案村名亦時有興替改

易考其都數則深州五百一十三村合數村為一村以應

繇役謂之官村官村二百六十

武彊二百五十一村
以散村計數村無鄉
長皆衙役遙領之
饒陽一百八十九

村
以官村
計數
安平一百五十四村
以散村計數舊志云舊七
十二村蓋據官村計數

明以來建置表
坊 學校河渠別見

深州 武彊 饒陽 安平

洪武
知縣夏安禮建察院
主簿王彬因舊址
建縣宅知縣王思道
重修
二年建城隍廟八年
四年縣丞劉敏修縣
知縣左良弼建縣宅
建社厲壇每社一壇
建城隍廟在縣治西
置城

記一 七

永樂 十年知州蕭伯辰徙
治十三年始建州宅

景泰 初年知州喻彤始創
城塹
始築城 知縣張諒
修縣宅

天順 三年知州楊禧修州
宅
十八年城壞于水知縣
吳鳳鳴更築城周四里
百五十六步高二丈五
尺厚一丈池深八尺

成化 初年知州尤璣增築
城周九里高二丈五
尺厚二丈建城樓
又修州宅

正德 四年知州韓瑒建東
南二城樓六年知州
李鴻增高五尺池深
一丈三尺寬二丈增
樓櫓墩臺四門城樓
四關各設門備防守
又移儒學前察院於
治北為北察院建陰
陽學暨學

知縣韓宥宋
銳先後修城
知縣劉昇
修察院
九年知縣仇相奉
檄修城高四丈有
奇厚三丈六尺延
袤三里餘建三門
北無門十四年三
月訖工池深廣各
二丈十五年修縣
宅
六年知縣王珣修
城周五里百卅步
高二丈八尺四城
造樓城外隄周八
里高二丈隄西南
北各有門十二年
知縣陸載修戒石
亭土神祠城隍祠

嘉靖

十年知州官一夔
修城修州宅建郡計
樓高五丈錢梗余一
鵬相繼修州宅廿一
年巡按御史督知州
余一鵬創建恒麓書院
一鵬環城築隄防
水張光漢程道東相
繼增修 鄭存仁字
靜齋由侍御論判此
州創西郊義冢

知縣張相張籍馬
充姚惠胡慥先後
修城補漢姚惠先
後修縣宅 張籍
修府館 馬充伐
厲壇古荆樹台抱
者數十株

知縣楊東山築城
外隄 七年主簿
班言修城隍祠廿
八年知縣徐績卅
五年張仲孝相繼
重修 仲孝又建
近聖書院知縣秦
世顯築高口村隄
後名秦公隄

六年知縣簡澤植
柳隄隄廿一年知
縣郭學書造磚城
堞二千廿一角樓
四腰舖八建縣宅
譙門額曰春雨樓
廿六年知縣沈
同人周築城址六
里百餘步高三尺廣
一丈於縣治南重
建府館廿七年改
舊太僕寺為察院

隆慶

萬曆

二年知州李恩寵修
預備倉修州宅儀門
東西角門監獄州神
祠 五年知州劉應
民修府館南北察院
迎賓館六年修城增

知縣錢學博修城
知縣邵刑修書院
知縣閻鈺修
察院府館知
縣萬獻策修

三年社稷壇圮于水
移建演武廳東北向
二年知縣李守真創
築護城隄周八里高
一丈五尺厚二丈植
柳三千株舊稱八景
學子文角邱傅家莊
所云柳隄環翠者也
五年知縣孟陳堯雷
雷雨壇邑厲壇關

記一

高三尺許厚加二尺
修州宅公廨于二堂
北修大堂鑾駕庫幕
廳東西六科卷房承
發司架閣庫皂隄房
戒石亭是年詔減代
編銀六千六百餘兩
廿三年知州張鳳

修縣宅立題名牌
十八年知縣閔宗舜
設養濟院 廿三年
知縣王之紀修城隍
廟創義倉五區在城
城隍廟西南陳家莊
址高八尺廣一丈增
小隄東南留楚縣北
築外隄高三丈厚三
曲呂 廿七年知縣
翟耀修預備倉 廿
九年建文昌祠 苑
守宅置西義家符宗
仁宗義宗信置南義
家

翼發磚城濬隄池築
護隄建城樓造東南
隅磚塔構蕪蕪亭於
南城上 四十六年
州八戶部郎中張才
安修歐陽監丞珣祠

廟 廿二年濠沲浸
知縣梅廷哲增築
廿三年康宅
知縣何翌
開水門培城
外隄高三丈厚三
丈 廿八年
王國題扁云
苑民之父母聯語云愛
民若子治邑如家以
戒厲各屬知縣喬鍾
秀刻之 王三餘築
真隱園在郭西門洞
開築依隱園在路莊

崇禎

十六年勅建忠烈祠
祀明知州孫士美李
燭州判劉沛然吏目
熊國俊學正任尹訓

知縣傅蒙麻
整磚城堞

十年知縣唐順徵改
建磚城高厚增半凡
七百五十堞墩樓廿
修堞口一千一百六
敵臺十六神器舖十
十六腰舖廿四增藝

導劉名言侯度昭王
孟夏祔祀舉人呂叔
成王呈禎田如墉王
肩昌田如坻田如阜
王呈禎有園林在
東關外半里兵憲趙
喬年亦有山亭疊土
疊石有洞有橋一家
林亭皆有名流題詠

十六年議裁
武強縣縣人
鴻臚寺序班
辛繼烈上疏
請留縣報可

六礮臺二百有奇襄城外門樓增築隄池
城重門池加濬隄內隄高一丈厚一丈
高一丈厚一丈二尺上修女牆高八尺
隄外木塞三品坑七是年建縣宅東書房
又置北義家在州廬三間 十一年建孔
村 太常卿路陞建公祠祀殉節知縣孔
藥王廟設藥局重濬 聞俊祔祀戰死之士
宋太平聖惠井 諸生高有聲武生員
李邦才義民李向進
李向學郭良知張瑄
王昌印劉用世高案
劉順才任寅李登友
李運昌高法王福齊
王三才馬駟乘馬朝
鳳王策言王正印李
巖劉進才畢三劉可
孝陳應祿李堯夫崔
龍薛自保凡廿八人

右明
置城 充

順治

知州任三奇朱衣助
韓志道相繼修州宅
衣助建內宅北平樓
豪民侵耕學田學
正茹鄂侯復之十年
鄂侯建藏書樓

二年大雨霖城圯七三年知縣趙昭于縣
十餘丈知縣劉世祚宅建思補樓十二年
修之移奎星閣于城知縣許守仁修譙門
上東南隅移建燕蕪 十四年典史汪周
亭于西關立尚友祠祀 祚建典史門樓馬棚
明教諭閻錫建呂漢書早屋內宅并門樓
河橋在城東十里 界牆
八年大饑田敬宗置
東義冢在東關外三
里

康熙

額定積穀二萬八千石額定積穀二萬二千二
知州崔岱焦服祖百六十石 六年知
張泰階孟振裕相繼縣李道光修城修縣
修州宅振裕增建迴宅名其園曰豐樂軒
廊自二堂連接大堂曰則學有碑記又修
泰階又與學正趙吉察院廿二年諸生郭
徵修文昌閣魁星閣隣置義學田五十五
五年於州宅西立畝卅一年知縣洗
判官宅 八年吉徵國幹創義學二區卅
修教諭宅 九年訓三年國幹修城邑八

定縣為中治
積穀一萬石

額定積穀一萬石
知縣邵顯堯取射圃
遺址設社學知縣吳
應聯胡宣修講堂號
舍廿二年胡宣修城
立社學除雜派廿四
年大水知縣陳宗石
修大隄增北門西橫
隄植隄柳於縣宅建
惠立堂增思補樓東

導李廣生修訓導宅 行人司司副張星閣
十一年學正趙吉 修關廟

徵修名宦鄉賢祠置
義學在西玉帶街即
廢祠改建 廿二年移
龍泉關守備來鎮巡
撫郭世隆發銀三百
九十兩構營房七十
八間 西察院舊寫
提學御史校士書院
後移棚南宮改為察
院卅三年知州李天
培因其故址改建新
倉 卅六年束鹿諸
生馮士憲來修歐陽
監丞祠 吏目呂調
陽建小樓于吏目宅
西修書舍于宅東訓
導宅圯四十八年知
州陳廷柏購民居別

西耳樓簷樓典史張
政教於典史宅增瓦
厦 卅五年宗石修
城塚三百廿一設義
學十餘區於尊經閣
後建講學亭又構屋
廿間名曰讀書處廿
六年建知縣題名碑
造養濟院 卅一年
屯民公買田立辛莊
屯學 四十二年諸
生張若焜募設白沙
莊義渡 預備倉縣
倉學倉龍王廟馬神
廟八蜡廟河神廟王
公訢祠周公士琦祠
康熙縣志均無年月

記一

置城

三

置訓導宅 五十四
年知州郭繼寧置義
學在城隍廟街 五
十七年諸生劉翼軫
秦階父子創西景萌
義學

改定積穀一萬四千石 三年令行義倉社倉
石 七年知縣馮淵法改定積穀一萬四
建先農壇 九年知千石 八年建先農
縣黃嘉謨建忠義祠 壇高二尺一寸方二
節孝祠 邑人族補 丈五尺陞四面各三
主事張星輝修利濟 級壇後正室三間廂
橋後改名永固 室一間壇外繚以周

改定積穀一
萬四千石

正 雍

三年行社倉法附儲
常平倉是年知州朱
更武創建貢院士人
便之五年更武修訓
導宅外垣訓導方志
修邊更先後修宅
六年更武建先農壇
置籍田四畝九分修
忠義祠節孝祠關廟
七年奉勅設鄉約
所五區一城西街關
廟一榆科一唐鳳一
魏橋一陳二莊有約
正有值月皆諸生為

三年令行義倉社倉
法改定積穀一萬四
千石 八年建先農
壇高二尺一寸方二
丈五尺陞四面各三
級壇後正室三間廂
室一間壇外繚以周
垣籍田四畝九分十
年知縣李佐修文昌
祠魁星閣 二年勅
封關氏三代公爵十
一年建關廟後殿祀
之 增積穀四千石
十三年分建義倉九區

隆乾

之九年知州徐綬
修八蜡祠 十年諸
生馮希賢集眾置紫
金山義冢 十一年
徐綬修社稷壇風雲
雷雨壇建文昌閣魁
星閣

二年知州俞士恒廢常平倉穀定一万四
大魏村舊廟改爲義千石 五年知縣燕
學 常平倉康熙時 臣仁修養濟院 九
額定一万八千石至 年知縣陶鏞建彭善
十三年始符額數 坊知縣吳龍見創書
十四年知州姜泰嗣 院 十年龍見領帑
立大丹莊義學并立 修城 十四年知縣
景萌大魏大丹三學 張述孔建社倉四
條教 十八年知州 辛莊一拜口一小范
尹侃禁墳宅十九年 一隄南 廿年知縣
領帑修城整外牆以 姚德文修縣宅大堂
磚濬隄池建三樓于 儀門修小范橋述孔
菜園義學 十二年

常平倉積穀
與饒陽同城內
西關白沙莊
黃城中左角
邱留養凡六
局

記一

置城

三

城上沙河肅宵交河 德文先後捐銀二百
皆佩舊部民皆來趨 九十兩爲留養局子
役爲深州修城又修 本 廿七年知縣彭
隄禦采自花盆至磨 湜改建書院名曰萃
頭修万壽宮置留養 升知縣郭玉吳士泖
十五局建義倉十二 先後增經費至五十
區詳見賦役門知州 八年得銀三千兩

鄒雲城增設南關留 養局 廿一年雲城
改建書院在城西三 里知州帥家相李賊
先後修葺 四十八 年知州楊濬文修常
平倉 五十年知 州徐炎以義倉存穀
一万五百石分儲十 二倉 五十九年知
州陳漢續修常平倉

奉文遷毀所莊三教 寺十三年作哲改里
滿三教寺爲義學修 北極閣于北城上十
四年修近聖書院又 創滾單催科夙弊悉
去 十四年知縣王 孟儀建八蜡祠劉猛
將軍祠馬神祠 十 六年知縣范銘立曹
莊義學立東關留楚 小隄留養三局廿年
知縣周天度增呂漢 千民張平三局知縣
王鳳文修文昌祠錢 大昕有碑 典史宅
教諭訓導宅陰陽學 暨學僧會道會司關
廟馬明王廟三公祠 祀知縣丁忠楊東山

嘉慶

五年知州陸香森修二年知縣袁書院 十年知州凌惟清移節孝祠於文昌宮 年泰交修在城義倉後 總督文州人訓導李崇馨修清公松筠疏榆科義倉 廿五年言武彊書院知州張杰修四城樓由紳士經理東門外橋修州宅增章程最善建鼓樓修文昌閣廿五年修書院改今名曰文瑞增書院田畝

乾隆時尹侃所置留二年大水知縣翟慎養十五局盡圮元年行塞決河七處五年州

記一

置城

三

知縣戚貞修

羅名士二公祠祀知縣李君教諭秦繼宗唐公祠祀知縣唐順徵何公祠祀知縣何國琦乾隆縣志均無營建年月

道光

張杰修復唐鳳榆科還書院制錢二百四等九局凡尹侃買回十緒 慎行與署知撥補安州地十三頃 縣彭邦除共募義穀餘盡歸留養增書院二千二百餘石分儲膏火增子本制錢萬四倉積子本錢三百緡二年修歐陽監丞緡 迎賓館倉殿典祠制祭費置李天培史宅營汛宅八蜡廟墓田免墓傍二村緡 火神廟龍神廟馬神役使守冢修監獄三廟土地廟道光志均年修貢院括境內廟無建造年月

書院 廿八年知縣王蘭

廣葺城濬隍

增書院膏火

畝立義學二百四十五區濬州南枯渠入龍池河革雜派差緡及後任復借民力謂之幫差裁桃貢 六年知州張範東修州宅城隍廟貢院立書院章程七年修榆科王家井唐鳳義倉積

豐咸

穀六千二百石 八年知州蔣兆璠募穀五百八十餘石銀六百兩為義倉子本道光州志無建置年月者旌善申明二亭劉猛將軍廟火神河神龍神馬神諸祠韓文公祠在城北小曹莊養濟院在州治西南義家城東王莊地四畝諸生李廷秀置西郎里地三畝諸生劉可興置

三年耆皇劉振邦等置義家營官兵戰死者二百餘人 六年知州沈希祖為李天培加守冢一村

記一

置城

三

同治

六年知州王啓曾因捻亂修城計村分功三月功成其後知州劉秉琳守城拒捻卒賴其力秉琳與署知州游智開相繼修補智開又修養濟院

八年磨頭立庫宅河神祠 十一年知州吳汝綸於西城建河神祠釐正名宦祠神主選募僧舞生肆孔廟禮樂改定書院章程購備經史十二年修城整磚城頂孤貧元額九十名代理知州王福謙增四十七名捐給口糧

光緒

八年地震壞城知州朱靖旬修之又捐書

十六年縣人

十四年署知縣陳復二年知縣王家瑞創恩修名宦祠廿一年興書院名曰滋陽書

知縣李傳芾
白總督劉公
長佑奏裁紬
貢 五年創
設講堂學舍
六年傳芾
籌備書院子
本銀二千七
百廿兩有碑記

緒

院子本銀二千九百兩制錢一千二百緡貢院雍正時州升直隸創建每學使按臨三縣釀貲修補是年地震壞屋靖旬又修葺之有碑記十三年知州王炳壇環城植柳二千四百餘株十九年知州錢湖耆浚陸池廿年修倉用制錢二萬餘緡名曰盈億倉延名師召生徒肄業書院購備羣書謀建藏書樓既去位署知州朱璋達卒成之璋達又修韓文公祠廿六年畿輔亂知州曹景成修城書院地廿四頃餘租

入歲制錢二千餘緡生息銀三千四百兩制錢九千緡

記一

置城

二

訓導杜霖購

書籍存儲書

院廿六年舉

人賀嘉枏督

役修城

教諭王元一訓導院籌備子本積子錢趙省三修鄉賢祠廿六年共得京錢八千三百緡新舊地二頃又十七畝有奇縣輔亂知縣汪寶澍人副貢生弓汝恒購修城嘉道時書十三經注疏并廿四院有田七百餘畝史藏之家瑞又增留同治被兵失文卷養一局捐銀二百兩田被侵隱歲入租生息十五年知縣穀八十八石汪寶澍鄭驤修豐備倉存穀任內查得田二百一十二百餘石備經費八千五百緡是年書院修藏書樓

廿四年知縣王錦陽修縣宅大堂東西更房十二楹

右國朝

